

瘍

醫

大

全

瘍醫大全目錄

卷八

論神燈照法

火照門主方

論艾灸法

艾灸門主方

論針烙法

論刀針砭石法

神農所置九宮尻神

四季人神

九部人神

十二部人神

十日忌用針灸

十二支人神所在忌鍼灸

逐月血忌日 逐日人神所犯忌用針灸

人神所犯十二時辰忌用針灸

男忌日 女忌日

男女忌日 針灸吉日

針灸凶日

論瘡瘍用針灸勿忌尻神

論敷藥法

癰疽敷藥門主方

論瘡瘍忌圍寒涼之藥

論溺瀆法

溺漬門主方

論薰消法

癰疽門薰藥主方

傷醫大全卷八

蕪湖顧世澄練江氏纂輯

增錢之相其隨

男 柳燻用和

全

論神燈照法

程山齡曰凡腫在頭面以上者不宜艾灸恐引火氣
上攻宜用神燈照法神乎其神用火照散安紙撚
中以麻油浸點每用神火三枝離毒半寸許照之
自外而內俾藥氣透入皮色紫滯者立轉紅活瘡
勢平塌者立轉高聳仍須不時照之則毒氣頓解

轉陰爲陽以收全功且此法不止施于頭面卽如
發背等毒亦宜用之此癰疽門之寶筏宜互相參
攷以神其用也 十法

火照門主方

火照散

即神燈照法
正宗

硃砂

血竭

沒藥

各三錢

麝香

五分

明雄

三錢

共為細末用綿紙條長寸許每條裹藥三分直
麻油浸點自外而內周圍照之瘡毒隨藥氣解
散自不內侵臟腑初用三條漸加至五七條瘡
勢漸平又漸減之薰罷隨上紅升丹貼上膏藥
若腫勢漫延周圍用藥敷之如再薰須洗去末
藥其貼膏藥處藥油可不必洗

薰發背對口神方 盛旦明

此二種瘡初起先用絲瓜葉煎水洗之如無熱水

洗之後用

兒茶 血竭 乳香 去油

沒藥 去油各一錢

研勻捲入草紙內成條浸在麻油內浸透點着照瘡頭薰之務將烟冲在瘡頭上愈久愈受用其瘡之毒一點露水相似其毒自散如知覺遲已腫不可當亦要薰過最效

論艾灸法

李東垣曰夫疽則宜灸不宜烙癰則宜烙不宜灸丹
瘤腫毒宜湯漬之腫皮光軟則針開之以洩其毒
治瘡之手法迨不過此而各有所宜故聖惠方論
曰認是疽瘡便宜灸之一二百壯如菜豆許火灸
後覺似焮痛經一宿乃是火氣下徹腫內熱氣被
火導之隨火而出所以然也若其瘡癢宜隔艾餅
子灸之其餅須以椒薑鹽葱相和搗爛捏作餅子
厚薄如折三錢爲率當瘡頭或餅子上灸之若覺

太熱卽擡起又安其上餅子若乾更換新者尤佳
若其瘡痛卽須急灸壯數多爲妙若其膿已成者
慎不可灸卽便針開之卽得瘡也若諸瘡經久不
瘥變成漏者宜用硫黃灸法灸之其法硫黃一塊
着瘡大小口上安之別取硫黃少許放火上燒用
釵尖挑起點硫黃令着三五遍取膿水乾差爲度
若發背初生卽宜上餅灸法灸之初覺背上有瘡
疼癢頗異認是發背卽取淨土水和捻作餅子徑
一寸厚二分貼着瘡上以艾炷灸之一炷一易餅

予其瘡粟米大時可灸七七壯其瘡如錢許大日
夜不住灸以差爲度已上數方並依本方一一親
驗所以載之愚謂瘡醫自幼至老凡所經驗必須
寫之嘗記疔瘦惡瘡諸醫不驗者取蟻螯剪去兩
頭安瘡口上以艾灸之七壯一易不過七枚無不
效者又法用乞火婆虫灸之同前法果驗之神效
人皆秘之往往父子不傳又法赤皮蒜搗爛焊作
餅子一如豆豉餅子灸法灸之彌佳

十書精義

蔣示吉日凡瘡初起不論陰陽俱用艾火灸之是開

門逐賊法也

說約

又曰試瘡頭在何處好於瘡頂灸法先以濕紙覆瘡上立視其紙先乾處乃瘡結頭處也

又曰初起一二日灸可立愈三四日十愈六七若過七日之關內膿將成則不可灸矣

程山齡曰隔蒜灸灸法勝於刀針書云不痛灸至痛痛灸不痛時凡治癰疽疔毒流注及一切無名腫毒以大蒜切片安瘡頂上用陳艾炷安蒜上香點灸之其艾炷大小看瘡毒大小取裁若癰疽之

大者以蒜搗餅敷上必須不痛者灸至大痛而止
疼痛者灸至不知痛而後止若灸不透反能爲害
若內已有膿則不須灸矣 十法

陳實功曰癰疽發背怎生醫不論陰陽先灸之不痛
灸至痛痛灸不痛時 正宗

又曰考之方書凡頭上瘡面疔毒腎俞發俱禁艾火
以頭爲諸陽之首又乃純陽無陰之位生瘡俱是
亢陽熱極如再加艾火使毒氣熾甚隨後必加大
腫最能引動內痰發之必死又有面瘡爲陽毒腎

俞發多因房勞素虧腎水枯竭真陰銷燬若妄用
艾灸恐以火濟火火燦其源必致內外乾涸多成
黑陷昏悶而死又有病人元氣素虛肢體倦怠精
神昏憤瘡形平塌脈來微散空虛及素畏艾火者
俱不可灸灸之恐生昏暈且無真氣抵擋火力有
損無益誠至言也

又曰如陰瘡日數多者艾炷不及其事以蒜搗爛鋪
於瘡上再以艾又鋪蒜上點火灸之必知痛甚爲
效此爲火氣方得入裏知痛深處方是好肉蓋艾

火拔引鬱毒透通瘡竅使內毒有路而外發誠爲瘡科首節第一法也貴在早灸爲佳

陳文治曰疔毒藥力不能速到非艾火不解惟艾火功效甚捷

周文采曰初起陰塌不起便可用艾多灸或隔蒜灸之如痛灸至癢如癢灸至痛此最妙法也若疽瘡已成亦可用火針烙開瘡口則易治也

集驗

又曰癰疽初發小點一二日間急以大蒜頭橫切如錢放頂上頓小艾炷灸之五壯而止若形狀稍大

以黃桿紙蘸酒全貼腫上先乾處爲筋脚於先乾處灸之或兩處先乾皆灸但五七壯而止又法屈指從四圍按之過痛處是根就是重按深入自覺輕快卽此灸之更於別處灸若或大腫卽搗蒜爲餅焙乾蘸醋灸熱更換頻燬或以熨斗火於蒜餅上熨之更換熱餅頻熨如覺患處走散卽以綿帛蓋覆勿令氣泄俟少間敷藥凡癰疽展大如龜之形且看頭向上下先灸其前兩脚次灸其尾或紅筋走緊而長從盡處灸之須留頭並後兩脚勿灸

若盡灸之不惟火氣壅聚使毒無從解散又攻入裏也若辨認不明以香白芷三分漢椒桑白皮各一分連葉葱白十根新水煎湯入酸醋半盞淋洗少頃其筋自現可以辨驗頭尾

朱丹溪曰頭面患毒如純陰平塌頑麻非艾灸無功但艾炷宜小如麥粒樣式以神其用也

寶漢卿曰凡灸於患上頭聚處切蒜片如錢厚放患處置艾壯於上以火燃之若蒜皮枯焦再易之待將畢三五壯着貼肉上灸爲佳至少者以二十一

壯爲期頭頂上五壯七壯爲期艾炷只可如豆大
但面心爲陽中之陽禁灸其陽症不可灸者何恐
火氣內侵勢益猖大以火濟火故戒之惟陰症可
灸鬱氣濕熱積毒借火以拔之然以火濟水自有
相生之妙臨灸畢用口吹火致滅其火功借氣得
以入內其瘡易散設或灸不能卽散者灸遲之故
也雖不能全散大能解毒易潰膿易斂口功難盡
述惟臟毒坐馬癰以蚯蚓泥作餅代蒜片艾灸之
以熱爲度易之如前共十四壯爲期若附骨疽癰

毒入骨髓擇天氣晴明和暖尻神不犯吉日午時
灸至申時止徐問病者骨中熱否若果骨中熱方
效凡灸不拘壯數忽然爆起者是病根脫矣卽止
之凡灸須飲食半飽並飲好酒以通經絡以和氣
血再令善笑談者以亂其痛亦妙方也體虛者禁
灸

經驗全書

薛立齋曰余按瘡瘍之症有諸內必形諸外在外者
引而拔之在內者踈而下之苟或毒氣鬱結瘀血
凝滯輕者藥可解散重者藥無全功是以灼艾之

功爲大凡灸法未潰則拔引鬱毒已潰則補接陽氣每治四肢患瘡氣血無虧者灸之皆愈頭乃諸陽之首及腎俞一穴在於兩腰脊傍並弱甚之人內無真氣抵擋火氣數症禁灸當慎察之

王肯堂曰灸乃從治之意惟頭爲諸陽所聚艾炷宜小而少若少陽分野尤不可灸灸之多至不救亦有因灸而死者蓋虛甚孤陽將絕其脉必浮數而大且鼓精神必短而昏無以抵當火氣宜其危也汪省之曰夫瘡有膿水惡物漸潰根深者用麩硫黃

蒜三物一處搗爛看瘡大小捻作餅子厚三分安
瘡上用艾炷灸二十一壯一壯一易矣後四五日
用翠霞錠子紐入瘡內使及肉盡去好肉長平然
後貼收斂之藥內服補接之劑調理則瘡矣

元戎曰瘡瘍自外而入者不宜灸自內而出者宜灸
外入者托之而不內內出者接之而令外故經云
陷者灸之灸而不痛痛而後止其灸灸而不痛者
先及其潰所以不痛而後及良肉所以痛也灸而
痛不痛而後止其灸而痛者先及其未潰所以痛

而次及將潰所以不痛也

精要曰腦為諸陽所會頸項近咽喉腎俞皆致命之

所俱不可灼艾

劉河間灸刺法謂凡瘡瘍須分經絡部分血氣多少

腧穴遠近從背出者當從太陽五穴選用至陰

小指外側去爪通谷 在足小指外側 束骨 在足小

甲角如韭菜大 本節前陷者中 委中 在膕中央約 從髻

本節後 崑崙 在足外踝後 委中 在膕中央約 從髻

陷中 崑崙 在足外踝後 委中 在膕中央約 從髻

出者當從少陽五穴選用竅陰 在足小指次指端

夾溪 在足小指次指岐 臨泣 在足小指次指 陽輔

骨間 本節前陷中 臨泣 在足小指次指 陽輔

在外踝上四寸輔骨陽陵泉在膝下一寸從髀出前絕骨端如前三分

者當從陽明五穴選用厲兌在足大指次指內庭去爪甲如韭葉

在足大指次指外間陷中陷谷在足大指次指中冲陽在足跗上

動脈去陷解谷在中陽後一寸從腦出者則唯絕

骨三寸在外踝上三分腕上陷中

骨一穴在外踝上三寸動脈中詳見癰疽灸經

劉宗厚曰此謂癰疽初發宜灸之也然諸瘡患久成

漏者常有膿水不絕其膿不臭內無歹肉尤宜用

附子浸透切作大片厚二三分於瘡上着艾灸之

仍服內托之藥隔三二日再灸之不五七次自然

肌肉長滿矣至有膿水惡物漸潰根深者郭氏治
用白麩硫黃大蒜三物一處搗爛看瘡大小捻作
餅子厚約三分於瘡上用艾炷灸二十一粒一灸
一易後隔四五日方用翠霞錠子併信效錠子互
換用之紅入瘡內互肉盡去好肉長平然後貼收
斂之藥內服應病之劑調理卽瘥矣蓋不止宜灸
於瘡之始發也大抵始發宜灸要汗下補養之藥
對證至灸冷瘡亦須內托之藥切當設反逆不唯
不愈恐致轉生他病之患也

經曰肉之大會爲谷肉之小會爲谿肉分之間谿谷
之會以行榮衛以會大氣邪溢氣壅脉熱肉敗榮
衛不行必將爲膿內銷骨髓外破大腠留於節湊
必將爲敗積寒留舍榮衛不養肉縮筋肋肘不得
伸內爲骨痺外爲不仁命曰大寒留於谿谷也此
用附子灸者蓋此義也

灸漏瘡論

李氏云治疽之法灼艾之功勝於用藥蓋使毒氣外
泄譬諸盜入人家當開門逐之不然則入室爲害
矣凡瘡初發一二日須用大顆獨蒜切片三分厚

貼疽頂以艾隔蒜灸之每三壯一易蒜瘡潰則貼
神異膏如此則瘡不開大肉不壞瘡口易斂一舉
三得此法之妙人所罕知若頭頂見疽則不可用

此法

五府經
觀碑載

伍氏曰凡用蒜餅灸者蓋蒜味辛溫有毒主散癰疽
假火勢以行藥力也有只用艾炷灸者此可施於
頑疽癩發之類凡赤腫紫黑毒甚者須以蒜艾同
灸爲妙

張景岳曰癰疽爲患無非血氣壅滯留結不行之所

致凡大結大滯者最不易散必欲散之非藉火力不能速也所以極宜用灸然又有孫道人神仙薰照方其法尤精尤妙若毒邪稍緩邪深經遠而氣有不達灸之爲良若毒邪熾盛其勢猛急而垂危者則宜用薰照方更勝於灸也

馮魯瞻曰瘡毒潰後風寒侵襲作腫痛者用薤菜杵爛炙熱敷患上冷則易之或搗成餅放患上艾圓灸之使熱氣入內

錦囊

張仲景曰凡人一見背有瘡口外現者不可小視之

急用蒜切片一分厚貼在瘡口上用艾火燒之痛者燒之不痛不痛者燒之知痛而止切不可不痛而止也此法最妙世人不識而我特表而出之以治發背之初起者蓋一經灸之則毒隨火化以火攻火又何疑焉願世醫留意

心法云灸乃開結破硬之法倘有一點白粒如粟米起四圍微腫如錢便當於米粒上着艾火十四五壯三日內灸者只成灸瘡而散三日外者其腫漸少宜多灸之或灸火着處則結熱可伸灸處先潰

則毒勢分減庶免展開不致下陷及壞筋骨傷氣血也所謂灸至不痛者謂着皮肉未壞處則痛火至着毒處則不痛必令火氣至着毒處方止所謂灸至痛者謂初着毒處不痛至好肉則痛必令火氣至好肉方止畏灸者或用獨蒜瓣或豆豉餅或椒薑鹽爛搗捏作餅子如當三錢厚鋪艾灸之熱則易新餅亦可散也

艾灸門主方

陳艾園

此法因瘡毒純陰平塌頑麻非艾灸無功每歲端午日蓄蕪艾一二觔愈久愈良用時取葉爲炷或加麝香末木香末雄黃末搗成圓安蒜上灸之灸一切無名大毒

胡桃劈開去仁取殼用極乾人糞填滿合腫處以艾火灸之殼穿則易已成卽流稠黃水未成卽消散也

艾火灸成瘡作痛

春用柳絮夏用竹膜冬用壁蟄窩秋用新棉貼之

製艾法

胡公
彌

須在伏天取真正蘄艾不拘多少檢淨以篩子中
揉擦再將細篩又揉篩眼中漏下者方成艾茸或
以粗布包搓亦可再於烈日中晒極乾收貯灸瘡
最妙

騎竹馬灸法

準繩

治一切瘡瘍無有不愈令病人以肘凭几堅臂腕

要直用篾一條自臂腕中曲處橫紋男左女右貼
肉量起直至中指尖盡處截斷爲則不量指甲却
用竹槓一條令病人脫衣正身騎定前後用兩人
扛起令病者腳不着地又令二人扶之勿令僂佷
却將前所量竹篾從竹槓坐處尾骶骨盡處直貼
脊背量至篾盡處爲則用墨筆點定此只是取中
非灸穴也却用薄篾作則子量病人中指節相去
兩橫紋爲則男左女右截爲一則就前所點記處
兩邊各量一則盡處卽是灸穴兩穴各灸五七壯

疽發於左則灸右疽發於右則灸左甚則左右皆灸蓋此二穴心脉所過之處凡癰疽皆心火留滯之毒灸此則心火流通而毒散矣起死回生之功屢試屢驗

豆豉餅 理例

此法專灸一切癰疽對口頑瘡惡毒腫硬不潰及潰而不斂用江西豆豉爲末唾津和作餅如錢大厚如三文錢覆患處以艾鋪餅上灸之以患者寬快爲度未成者卽消已成者雖不全消其毒頓減

大有奇功

桃殼灸法 畢昇承集

大核桃劈開去肉殼背鑽一孔內填溘雞屎令滿
將有屎一面合毒頂上孔外以艾灸之不論壯數
惟取患者寬快殼熱另換一殼如法灸之其毒立
好真奇方也

蠟灸法 秘方集驗

凡患發背對口一切無名腫毒及久近癰瘡先看
所患腫處用生麵水調作圈依腫處大小圍之圈

高寸餘實貼皮上勿令滲泄圈外密施布巾數重
防火氣侵餘肉患者安身勿動圈內鋪極好黃蠟
片屑上以炭火炙至黃蠟溶化毒淺者皮上覺熱
痛不受炙便止毒深者全不覺熱痛再下蠟隨化
隨添至圈滿仍前熱火炙至蠟沸初覺癢後覺痛
久之不可忍乃去火以少水微澆滾蠟上俟冷揭
去蠟近皮者俱帶青黑色此毒隨蠟拔去淺者一
二炙便內消深者三四炙亦膿去腫消立愈炙畢
外搽生肌玉紅膏此百治百驗法也

灸身上諸毒並癰串久不收口者 秘方纂要

獨蒜一個加雄黃不拘多少共搗成餅貼之將艾
放餅上灸一壯卽愈

論針烙法

李東垣曰夫瘡疽之候證候不一針烙之法實非小端蓋有淺有深有遲有速宜與不宜不可不辯蓋疽腫皮厚口小腫多膿水出不快者宜用針烙瘡皮薄惟用針以決其膿血不可烙也如有未成膿已前不可以諸藥貼瘡塌潰救療以待自消久久不消內潰成膿卽當棄藥從其針烙當用火針如似火筋磨令頭尖如棗核樣圓滿用燈焰燒須臾作炬數搵油燒令赤於瘡頭近下烙之一烙不透

卽須再烙令透要在膿水易出不假按抑近代良醫倉卒之際但以金銀銕錠其樣如針者可通用之實在洩其毒也或只以木炭熟火猛燒通赤蘸油烙之尤妙烙後實者撚髮爲紐虛者以紙爲紐上蘸藥紐之上以帛攤溫熱軟粘膏藥貼之常令滋潤勿令燥也夫瘡疽旣作毒熱聚攻蝕其膏膜肌肉腐爛若不針烙毒氣無從而解膿瘀無從而泄過時不烙反攻其內內旣消散欲望其生豈可得乎嗟乎此疾針烙取差實爲當理然忌太早亦

忌稍遲嘗見粗工不審其證淺深妄施針烙之法
或瘡深針淺烙毒氣不得泄以致內潰或瘡淺烙
深讓傷良肉筋骨腐爛或抑擦掀動加益煩痛或
針之不當別處作頭或卽時無膿經久方潰遂使
痛中加痛直氣轉傷詳其所由不遇良醫也以此
推之凡用醫者不可不擇縱常醫療之得痊者幸
矣 十書

蔣示吉曰又有烙法膿已成而皮厚肉深難潰若不
用針烙使腐肉挾毒熱之氣久留肉腠間將好肉

亦化爲膿血此烙法所以有功於潰瘍也若根淺而皮薄者又何必假此以賣弄乎由此觀之皮薄者用白降丹皮稍厚者則用針皮極厚而毒附骨者非烙不可其法看瘡頭最大者卽是膿竅用熟鉄五六寸長大針下半截用竹箸劈開夾針在內以意消息用半寸卽露針尖半寸於外用一寸卽露針尖一寸於外以線紮緊庶深淺不致有悞也將針於麻油燈火上燒令紅透量瘡深淺及所生之處深淺虛實插入一寸或至二三寸若未有膿

暫時以紙撚縫入候次日取出膿色黃白卽愈赤黑防出鮮血若在虛處及筋骨節縫處不得亂行針烙針烙入肉猶宜稍斜恐透內膜也烙遲固爲不佳太早亦生變症膿深針淺內膿不出外血反洩瘡淺針深內膿雖出好肉受傷此用針烙之難也

說約

申斗垣曰頑癩瘡瘤妬其膿半載醫治不得愈者當用烙法烙之易愈也

周文采曰夫頑癩瘡瘤妬其膿半載整年不得愈者

何也蓋於男婦不慎房慾故多有之小兒亦因吮其慾乳更是一理也亦有因跌撞妬其膿血未及將愈又跌之故此成其頑癩不能得愈百藥不效當用銀錢銀匙燒赤於癩上烙之不數日而痊先勿令知之此直良法也如無銀錢以銅錢物代之亦可

胡公弼曰凡火烙針員如筋大如葦挺頭圓平長六七寸一樣二枚蘸香油於炭火中燒紅看瘡頭形處烙之宜斜入向軟處一烙不透再烙必得膿非

其時所出皆生血當其時所出黃膿瘀肉不假按
抑仍以紙撚紐之勿令口合

又曰凡瘡毒發在虛處及筋脉骨節之處斷不可亂
行針烙卽用針烙法宜稍斜防透膜也

論刀針砭石法

素問曰夫癰氣之息者宜以針開除去之夫氣盛血聚者宜石而寫之此所謂同病異治也

通評虛實論曰所謂少鍼石者非癰疽之謂也癰疽不得頃時回

靈樞曰鈹針者末如劍鋒以取大膿

李東垣曰夫上古制砭石大小者隨病所宜也內經謂針石砭石鑱針其實一也今時用鑱者從聖濟總錄丹毒論曰法用鑱割出血明不可緩也合扁

鵠云病在血脉者治之以砭石此舉素問血實宜
決之又氣血形志論目形樂志樂病生於內治之
砭石蓋砭石者亦東方來爲其東方之民其病多
瘡瘍其法宜砭石砭石之用自有證候非止丹瘤
也但見腫起色赤遊走不定宜急鎌之先以生油
塗赤上以鎌鎌之要在決洩其毒然而此法不可
輕用忌其太深內經所謂刺皮無傷肉以其九鍼
之用而各有所宜也砭鎌之法雖治瘡疽不可輕

用也

砭鎌論

周文采曰如針砭傷其經絡白膿赤汁逗流不止宜服內托黃芪圓生黃芪去蘆焙剉入兩當歸洗焙三兩木香沉香肉桂去粗皮不見火乳香別研各一兩諸香忌見火共爲細末用菜豆粉四兩生薑自然汁煮糊爲丸桐子大不拘時溫湯送下四五

十九 集驗

又曰古人用砭石鑿鍼刀鎌乃決瘡毒之器械也所謂瘡毒之宜出血可急去之意不可延緩恐毒勢變走內經云病在血脉決之於鍼石也岐伯五治

論云砭針乃磁石鋒芒利快決毒甚便乃東方之
民善於此用于瘡癰丹瘤塗之生油於赤腫之上
砭之出血妙在合宜亦不可過之耳

薛立齋曰若元氣虛弱誤服剋伐患處不痛或肉將
死急溫補脾胃亦有生者後須純補之藥庶可收
歛若妄用刀針去肉出血則氣無所依附氣血愈
虛元氣愈傷矣何以生肌收歛乎

陳實功曰凡瘡十日以後自當腐潰爲膿如期不作
膿腐仍然堅硬者此屬陰陽相半之症瘡根必多

深固若不將針當頭點入寸許開竅發泄使毒氣
無門而出必致內攻也倘內有膿又便易出此爲
開戶逐賊之意如十日外瘡雖不腐潰形尚紅活
焮熱腫痛此雖膿遲後必有出此又不必針之蓋
由元氣不能充足或失用補托之藥又悞用寒涼
或蓋覆未暖多致膿遲有此症者宜用補中健脾
大托補藥以得膿爲效又以十五日至二十一日
爲期過此外者縱有稀膿但元氣被毒相拒日久
必致耗散誠難歸結也

正宗

又曰如瘡半月後仍不腐潰不作膿者毒必內陷急
用披針品字樣當原頂寸許點開三孔隨瘡之深
淺一寸二寸皆可入之入之不痛再深入不妨隨
將藥筒預先煮熟對孔竅合之良久候溫取下如
拔出之物血要紅而微紫膿要黃而帶鮮此爲血
氣營運活瘡如拔出瘀血紫黑色敗氣穢稀水無
膿者此爲氣血內敗死瘡

程山齡曰凡毒有脹痛緊急膿已成熱無暇待灼艾
火照者卽宜用刀法開之但刀法須在的確膿熟

之時又須要深淺合度以左手按腫處先看膿之成否如按下軟而不痛隨手起者膿已成也按下硬而痛或凹陷不起者膿未成也已成膿者宜刺未成膿者宜姑待之若脾虛氣弱者宜托補之又須看其膿之深淺以手指按下軟肉深者其膿必深軟肉淺者其膿亦淺若膿淺刀深恐傷好肉膿深刀淺恐毒不出而內敗最宜斟酌更有伏骨之疽膿腐於內皮色不變宜以刀刺入深處放出瘀膿或灸開口放出之不得姑息因循俾毒氣越

爛越深也其下刀須利及勿令病者見恐驚彼耳
砭法施於頭面及耳之前後因其漫腫無頭急用
此法以瀉其毒取上細磁鋒用竹箸夾定緊紮放
出鋒約半分許對患處另以筋敲之偏刺腫處俾
紫血多出者爲善刺畢以精肉貼片時再用鷄蛋
清調乳香末潤之蓋此地不宜成膿因頭內中空
耳前後更多曲折提膿拔毒恒多未便故砭法斷

宜早施 十法

薛立齋曰若患於背髀之間凡人背近脊處并髀皮

裡有筋一層患此處者外皮雖破其筋難潰以致
內膿不出令人脹痛苦楚氣血轉虛變證百出若
待自潰多致不救必須開之引之兼以托裏常治
此證以利刀剪之尙不能去似此堅物待其自潰
不反甚乎此非氣血壯實者未見其能自潰也

又曰瘡瘍膿成而及時針之不數日卽愈矣常見患
者皆畏針痛而不肯用又有恐傷肉而不肯用殊
不知瘡雖發於肉薄之所若其膿成必腫高寸餘
瘡皮又厚分許用針深不過二分若發於背必腫

高二三寸入針止於寸許况患處肉既已壞何痛
之有何傷之慮凡怯弱之人或患附骨等疽待膿
自通以致大潰不能收斂氣血瀝盡而已者多矣
又曰凡瘡既成膿皮膚不得踈泄昧者待其自穿殊
不知少壯而充實者或能自解若老弱之人氣血
枯槁或兼攻發太過不行針刺膿毒乘虛內攻穿
腸腐膜鮮不誤事若毒結四肢砭刺少緩則腐潰
深大亦難收斂毒結於頰項胸腹緊要之地不問
壯弱急宜針刺否則難治大抵瘡瘍之證感有輕

重發有深淺淺者腫高而軟發於血脈深者腫下而堅發於筋骨然又有發於骨髓者則皮肉不變故古人制法淺宜砭而深宜刺使瘀血去於毒聚之始則易消若膿成之時氣血壯實者或自出怯弱者不行針刺鮮有不悞凡瘡瘍透膜十無一生雖以大補藥治之亦不能救此可爲待膿自出之戒也

心法曰上古有砭石之制內經有九針之別制雖不同而去病之意則一也其瘡瘍一科用針爲貴用

之之際雖云量其潰之淺深尤當隨其肉之厚薄
若皮薄鍼深則反傷良肉益增其潰肉厚針淺則
膿毒不出反益其痛用針者可不慎哉至於附骨
疽氣毒流注及有經久不消內潰不痛者宜燔針
開之若治咽喉之患當用三稜針若丹瘤及癰毒
四畔焮赤疼痛如灼宜用砭石去血以泄其毒則
重者減輕者消如洪氏室患腹癰膿脹悶瞽以臥
針刺出膿卽蘇一人患囊癰膿熟腫脹小便不利
幾殆急針之膿水大泄氣通而愈大抵用針之法

迎而奪之順而取之所謂不治已成治未成正此
意也今之患者或畏針而不用醫者又徇患者之
意而不針遂至膿已成而不得潰或得潰而所傷
已深矣卒之夭枉者十常八九亦可悲矣

張景岳曰經云天溫日明則人血淖溢而衛氣浮故
血易瀉氣易行天寒日陰則人血凝滯而衛氣沉
是以因天時而調血脈也故凡遇天寒水冰或陰
氣凝滯之時欲行針刺則先當溫衣覆蓋或以艾
葉炒熱或熱鹽熱衣類先熨其處務令血脈溫

而後刺之則血瀉氣行其病立已若血寒脉滯遽爾用針則邪毒不瀉徒傷良肉反以益其病也

薛立齋曰凡元氣虛弱者必當補助脾胃禁用刀針若妄用之而去肉去血使陽隨陰散是速其危也孫真人曰針灸血出不止用人尿燒灰敷上立止

神農所置九宮尻神

坤

外踝

震

牙口

巽

頭口乳

中宮

肩尻

乾

背面目

兌

手膊

艮

腰項

離

膝助

坎 肚 脚 肘

一歲起坤二歲震三歲巽四歲中宮五歲乾六
歲兌七歲艮八歲離九歲坎十歲又是坤逐年
順行週而復始如患人行年到處則忌針灸慎
勿泛用免變他病

四季人神

春 左脇

夏 在臍

秋 右脇

冬 在腰

九部人神 一歲為始起於臍一年行一位週而復始

臍一 心二 肘三 咽四 口五 頭六

脊七 腰八 足九

十二部人神 始一歲為始起於心一年行一位週而復

心一 喉二 頭三 肩四 背五 腰六

腹七 項八 足九 膝十 陰十一 股十二

十干日忌用針灸

甲 頭

乙 耳 喉

丙 肩

丁 背 心

戊 腹 脾

己 腹 脾

庚 腰 肺

辛 膝

壬 腎 足 脛

癸 手 足

十二支日人神所在忌針灸

子 目

丑 腰 耳

寅 胸

卯 脾 鼻

辰 腰 膝

巳 手

午 心

未 頭 手

申 頭 脊

酉 背

戌 面 頸

亥 頭 項

逐月血忌日

正月 丑

二月 未

三月 寅

四月 申

五月 卯

六月 酉

七月 辰

八月 戌

九月 巳

十月 亥

十一月 午

十二月 子

逐日人神所犯忌用針灸

初一日

大姆指

鼻柱

手小姆指

初二日

外踝

髮際

初三十三三十三日 肝 股內 牙齒 足 股

初四十四二十四日 腰間 胃氣 手陽明

初五十五二十五日 口 舌 遍身 足陽明

初六十六二十六日 手掌 胸前

初七十七二十七日 內踝 氣冲 膝

初八十八二十八日 手腕 股內 陰

初九十九二十九日 尻 足 膝 脛

初十二二十三至日 腰 背 內踝 足跌

人神所犯十二時辰忌用針灸

子 蹠

丑 腰

寅 目

卯 面

辰 頭

巳 手

午 胸

未 腹

申 心

酉 背

戌 頭

亥 股

男忌日

壬辰 甲辰 乙巳 丙午 丁未 辛未

除日

女忌日

甲寅 乙卯 乙酉 乙巳 丁巳 辛未

破日

男女忌日

白虎 黑道 血支 血忌 月厭 月殺

月害 月刑 獨火

針灸吉日

丁亥 丁卯 丁丑 甲辰 甲申 甲戌

丙子 丙午 丙申 丙辰 壬子 壬戌

壬午 庚午 辛巳 戊戌 戊申 己亥
己未

針灸凶日

每月 初八 十五 十八 廿三 廿四
廿八 廿九

論瘡瘍用針勿忌屍神

薛立齋曰夫針灸之法有太乙人神週身血忌逐年
屍神逐日人神而其穴有禁針禁灸之論犯之者
其病難瘳理固然也但瘡瘍氣血已傷肌肉已壞
宜迎而奪之順而取之非平人可比之此何忌之
有外科精義云瘡瘍之症毒氣無從而解膿瘀無
從而泄反攻於內內既消敗欲望其生豈可得乎
危惡之發於致命之所禍在反掌腹癰囊癰二便
不通胸腹脹悶唇疔喉痺咽喉腫塞其禍尤速患

者審之

論敷藥法

李東垣曰夫瘡腫之生於外者由熱毒之氣蘊結於內也蓋腫於外有生頭者有漫腫者有皮厚者有皮薄者有毒氣深者有毒氣淺者有宜用溫藥貼熨者有宜用涼藥貼熨者有可以乾換其藥者有可以濕換其藥者深淺不同用藥有異是以不可不辨也若瘡腫初生似有頭者卽當貼溫藥引出其熱毒乃火就燥之義也於四畔赤焮處搗生寒藥貼熨之折伏其熱勢驅逐其邪惡撲火之義也

夫生寒藥勢氣之精全性味雄健或有療者不本
物理皆用藥草膏之類有勢力微欲使疔瘡者敵
其勇夫不亦難乎又有粗工不審逆從便用寒藥
敷貼趨逐邪毒復入于內歸於心肝十死八九矣
大抵敷貼之法欲消腫散毒血脉疎通寒氣逆從
斷其去就焉慎不可執方無權安能散於鬱結不
成膿乎其腫皮厚者以故軟布或以紙花紙塗藥
貼熯之待其藥乾換腫皮薄者卽用疎紗或薄紙
塗藥貼熯之其藥未乾卽當換之若至膿潰之後

卽貼溫肌生肉膏藥要在逐臭腐排惡汁取死肌
生良肉全藉溫熱膏劑之力也切勿用寒涼之藥
水調貼之夫血脉喜溫而惡寒若着冷氣透裏卽
血滯難癒矣十書貼
瘡法

朱丹溪曰夫外施敷貼正與發表之意同經曰發表
不遠熱大凡氣得熱則散冷則斂不可不知
又曰敷藥之藥止可應酬輕小熱症若不辨陰陽所
由分妄敷涼藥其禍不小此誠不易之論

戴院使曰有不敷藥時大痛敷卽不痛有不敷藥不

痛敷之則痛蓋寒熱風濕并憂怒等氣積而內攻
則痛不禁敷藥拔出之故不痛也死血陰毒在中
愈伏愈深愈不覺痛藥發之於外故反痛也

汪省之曰夫外施敷藥正是發表之意經曰發表不
違熱大凡氣得熱則散得冷則凝庸工敷貼冷藥
豈理也哉

周文采曰敷者化也散也乃化散其毒不令壅滯也
然瘡之緩急毒之冷熱則用藥亦有寒熱之異如
赤腫焮甚者當用寒性藥敷之肉色不變而腫勢

深暗者當用溫性藥敷之如不熱不涼者當以冲和膏敷之根脚走散者當用鉄箍鉄桶等膏敷之庶毒不走易於消散膿亦易熟也

將毒言曰敷藥止可圍瘡之四傍中空瘡頭用白降丹點上以拔其毒自無倒陷之悞

說約

又曰潰後若根脚漸開紅腫不散惡症也宜用鉄箍膏箍之膿潰猶痛必有筋隔住肉膿不得出用針挑引出之癰疽膿熟勢盈欲溢用白降丹點上半日自潰

又曰製敷圍之藥第一要研的極細敷之則不痛調敷藥之法必須用抵脚攪至千餘下敷之方不脫臨敷之時敷藥必隔水頓溫庶藥力易達敷時中留一孔透氣使毒氣易洩不可不知此法

又曰寒涼敷藥如芙蓉散大黃膏其患最大氣脈得寒則不行瘀血得寒則不散瘀肉得寒則不潰新肉得寒則不生

寶漢卿曰凡製圍藥宜絕細則不痛和圍藥多加工夫攪千餘下其藥自稠則粘輕手圍之留孔須如

鷲卵形狀敷藥之外須用薄紙貼之務要扯碎貼
上免崩裂疼痛之苦待圍藥畧乾再用調藥餘汁
潤之以助藥力况藥乾不能入肌肉借濕以通竅
耳宜深詳之

齊馬喇明治楊遵彥發背取白麥飯石

卽粗型黃石
堪作確張卽

磨刀粗石用礮醋淬猛火煨
赤淬之令屑落醋中者良

爲末醋熬爲糊厚塗

立愈本草曰大凡石類多主癰疽此石治發背神
良

程山齡曰書云用膏藥貼頂敷藥四邊圍凡腫毒之

大者將已成膿用白降丹或烏金膏貼瘡頭上然
後用萬全膏蓋之四傍以鉄箍鉄桶芙蓉等膏敷
之貼膏處取其出膿敷藥處取其消散並能箍束
根脚不令展開共作三層敷圍法第一層用白降
丹或烏金膏貼瘡正頂若漫腫無頭以濕紙貼上
先乾處是頭也第二層萬全膏貼之第三層以敷
藥圍之桑皮紙扯碎蓋上如蜜調敷藥則頻以蜜
水潤之如醋調敷藥則頻以醋汁潤之不特添助
藥力亦不致乾憔悴子嘗用萬全膏遍覆

腫處連根脚一齊箍住其中消處自消潰中自潰
竟收全功可見此膏之妙也

集驗云癰疽無頭起者用神牙膏靈龜膏拔毒膏銑
箍散貼卽令消退潰膿者用靈龜膏貼之或用追
毒膏去膿或用筒子吸膿有頭疽瘡每於洗後視
赤暈濶狹用涼水調大銑箍散成膏隆冬用溫水
調如人肉溫貼之腫赤盛用生地黃自然汁調圍
貼之法從四畔紅暈處圍貼用皮紙掩上瘡有旋
生白粒散漫如米如豆者用銀篦尾撥去瘡眼用

老皮散敷之再換新藥敷上凡熱多則赤焮腫散
熱甚則紫黑外寒鬱之亦紫血虛兼寒則青白大
鉄箍散正鉄箍散乃常用之藥或因風寒熱及穢
氣厭觸等症四時寒熱不同又宜從權設法熱者
宜三黃散熱甚宜三消散風者加羌活防風風氣
滯者加木香寒鬱加桂枝穢氣觸者宜加香藥薰之
廬處脆嫩者去白芨去敷藥時看毛下竅中當有
汗珠此則血脈踈通熱毒消散赤暈漸縮膿潰痛
止變逆爲順皮毛潤活要作良肉但疽頂有些少

腐開不用刀剪如藥下不生汗珠腐敗必濶必多也膿後圍貼則收散漫遺毒盡隨膿出瘡口貼授毒膏藥如膿出不順用追毒膏惡肉不去用金寶膏敗肉去後圍貼則氣血活新肉易長瘡口用長肉膏敷貼之藥與淋洗並行同功

郭氏法云如有頭瘡疽就便用朱砂脩急膏一丸如黃豆大安於瘡頭上却用輭粘膏藥蓋護之其瘡必破如瘡暈紫黑色外用宣毒散周圍敷住毒氣如瘡暈赤紅色用水澄膏敷之次日用堅峻碧

雲錠子開了瘡口次用緊緩碧霞錠子去其反肉
稍淨却用緩慢碧玉錠子生肌總名青金錠子不
拘日數直待反肉去淨單用膏藥貼之候膿水盡
肌肉平方許貼生肌斂口之藥若依此法免教人
受刀剪針烙之苦如是無頭癰腫待膿成用針刺
破方依法收功也

癰疽敷藥門主方

鐵箍散

吳丹垣

陽瘡腫瘍根脚散漫

五倍子

壹兩
微炒

生大黃

四錢

秋芙蓉葉

六錢

醋一鍾入杓內蒸滾投藥末攪勻敷患上留頂
以紙蓋之乾則以醋掃之

一方照原方加寒食麵伍錢

陰疽以及皮色不變漫腫無頭者不可敷

如意金黃散

正宗

癰疽發背諸般疔腫跌撲損傷濕痰流注大頭
疔腫漆瘡火丹風熱天泡肌膚赤腫乾濕脚氣
婦女乳癰小兒丹毒凡外科一切諸般頑惡腫
毒隨手用之無不應效誠為瘡家良便方也

天花粉

上白十觔

黃

栢

色深者

大

黃

姜

黃

白

芷

各五觔

陳

皮

天南星

蒼

木

紫厚朴

甘

草

各二觔

共為咀片晒極乾燥用大驢磨連磨三次方用
密絹羅厨篩出磁器收貯勿令泄氣凡遇紅赤

腫痛發熱未成膿者及夏月火令時俱用茶湯
同蜜調敷如微熱微腫及大瘡已成欲作膿者
俱用葱汁同蜜調敷如漫腫無頭皮色不變濕
痰流毒附骨癰疽鶴膝風症等病俱用葱酒調
敷如風熱惡毒所生患必皮膚亢熱紅色光亮
形狀遊走不定者俱用蜜水調敷如天泡火丹
赤遊丹黃水漆瘡惡血攻注等症俱用大藍根
葉或水芭蕉根葉搗汁調敷加蜜亦可湯潑火
燒皮膚破爛蒜油調敷具此諸引理取寒熱溫

涼製之又臨用之際順合天時洞窺病勢使

引為當也

四虎散

正宗

天南星

草烏

半

夏

生用

狼

毒

等分

右為細末猪腦同搗徧敷瘡上留正頂出氣

凡癰疽腫硬厚如牛領之皮不作膿腐者宜用

鐵桶膏

正宗

發背將潰已潰時根脚走散不收束者

五倍子

微炒明一兩

礬

四錢

胆

礬

三錢

銅

綠

白

芫 各五錢

輕一粉

鬱

金 各二錢

麝

香 三分

右爲極細末用陳米醋一碗杓內慢火熬至一小杯候起金色黃泡爲度待溫用上藥一錢攪入膏內每用頓溫以新筆塗膏瘡根上以綿紙蓋其瘡根自生縐紋漸收漸緊再不開大爲效凡敷藥宜極細若粗則作痛不可不知一切根脚走散不能收束者用之收根束毒功效非輕

治對口腦疽不必洗去舊藥逐日添藥恐動瘡

口惹風也

芙蓉膏

陽瘡紅焮收根束毒

芙蓉葉

秋採六錢

榆

麩

二兩

生大黃

五錢

皮

硝

一兩

研細葱汁童便調敷留頂初起敷之可消不特

收束根脚

敷大毒二法

茅厠垢厚敷四圍中空出氣自消

或用赤小豆紫蘇全研敷上立消

敷一切大毒結腫吸毒法

川貝母研末同白栴榔汁敷之有病之處卽起白
泡無病之處則起紅點如瘡

遠志膏 程山齡

凡一切癰疽腫毒初起之時隨用遠志肉二三兩
去心清油煮搗爛如泥敷患處用油紙隔布裝越
一宿其毒立消屢試屢驗其效如神

芙蓉菊花膏

赤小豆 芙蓉葉 香附 白芨

菊花葉

各四兩

研細每末一兩加麝香一分米醋調塗圍住根

脚或雞子清調亦可

敷藥方

紫花地丁

去筋搽碎一兩

白

糖

一撮

和米飯

一團

搗爛敷四圍留頂

又方

鮮鯽魚

一尾

山

藥

一段

明

礬

壹錢

搗爛敷留頭片時發癢癢定自消

一方無明礬

又方

乳

香

沒

藥

麝

香

各三分

大蟒蜒

二條

搗敷患上留頭自消

又方

當歸

黃柏皮

羌活

研細以生金銀花汁調敷四向空中

又方

生大黃

一兩

白

芫

三錢

穿山甲

一錢

麝

香

一分

醋調敷露頂或黃蜜葱汁敷更妙此藥敷上馬

能立時止痛

又方 正宗

車前草 連根葉 稀莨草 五龍草

金銀花 各等分

右四味鮮草一處搗爛加三年陳米粉卽常用
糲衣小粉漿初起仍加飛鹽末二三分共打爲
稠糊徧敷瘡上中留一頂以膏蓋貼避風自然
拔出膿毒若冬月草無鮮者預採蓄下陰乾爲
末用陳米醋調敷亦如前法並效今恐前敷藥

內用五龍草隨地或有缺少不便合用予常薰
後頂以膏蓋周圍腫上以如意金黃散代敷之
又方

蕎麥麩

硫黃末

各二兩

研末并華水和作餅晒乾每用一餅水磨敷之
痛令不痛不痛自痛

又方

用活泥鰍以手捉定頭尾放焮赤癰疽根盤上大
則以數條圍之其鰍卽吸緊換其毒氣

又方

末 香 乳 香 去油 榆皮麵 各等分

滴醋熬稠調敷

道君妙貼散 正宗

治癰疽諸毒及異形異類頑硬大惡疔瘡走散
不作膿者宜用此藥不痛者即痛痛甚者即止

蕎麥麵 白 麵 各五 明淨硫黃 十觔研細

共一處用清水微拌乾濕得宜木廂內躡成麩
片單紙包裏風中陰乾收用臨時再研極細用

新汲水調敷如皮破血流濕爛疼苦等症麻油調搽天泡火丹肺風酒刺染布青汁調搽並效

回陽玉龍膏 正宗

背疽陰病不腫高不焮痛不發熱不作膿及寒濕流注鼓風久損冷痛痺風諸濕脚氣手足頑麻筋骨疼痛及一切皮色不變漫腫無頭鶴膝風但無皮紅肌熱者用之俱有功效 此方乃救陰疽外施良法

草烏 炒

軍姜

煨各三兩

赤芍

芍藥 炒

天南星

煨

白芷 各一兩 肉桂 五錢

製畢共爲細末熱酒調敷此藥有軍姜肉桂熱血生血既生既熱恐不能散而爲害故有草烏南星可以破惡氣祛風毒活死肌除骨痛消結塊回陽氣又有赤芍白芷足以散滯血住痛苦加以酒行藥性功通氣血雖十分冷症未有不愈者誠爲寒灰之焰枯木之春大抵病冷則肌肉陰爛不知痛癢其有痛者又多附骨之痛設若不除則寒根透髓尋常之藥固莫能及矣

中和膏 正宗

癰疽發背陰陽不和冷熱不明

紫荆皮

即紅內消炒五兩

獨活

炒三兩

赤芍藥

炒二兩

白芷

一兩

石菖蒲

即望見消又名陽春雪又名木蠟一兩五錢

右為細末葱湯熱酒俱可調敷藥中紫荆皮乃

木之精能破氣逐血消腫獨活乃土之精能動

蕩凝滯血脉散骨中冷痛去麻痺濕石菖蒲乃

水之精善破堅硬生血止痛破風消腫白芷乃

金之精能去風生肌定痛赤芍藥乃火之精能

生血活血散瘀除痛蓋血生則肌肉不死血動則經絡流通故肌活不致潰爛經通不致壅腫此爲散風行氣活血消腫祛冷軟堅之良藥也其中五行相配用者再無不效之理如流毒骨疽冷症用之尤效故云風消血自散氣通硬自除

本方加乳香沒藥治流注筋不能伸

神應丹

說約

治氣血不和壅遏爲瘡高腫赤痛兼痰兼鬱兼

寒兼濕者並效

小雄鯽魚 七尾 鮮山藥 四兩 連鬚大葱頭 廿一個

共搗爛加千年陳石灰 半觔 天南星 半夏 白芨

赤芍藥 研末 各一兩 和勻 陰乾 再研細末 臨用

以蜜調敷 四圍外 以皮紙蓋之

敷瘡頭圍者

蕎麥麩炒黃 研細水 和敷之

化腐紫霞膏 正宗

癰疽發背 瘰癧肉不腐 並不作膿者 又諸惡瘡內

有膿而外肉不穿潰者

草麻仁 研 輕粉 各三錢 巴豆仁 五錢 螺螄肉

潮腦 各一錢 金頂砒 分五 血竭 二錢

共為末磁瓶收貯臨時用麻油調搽頑硬肉上
至頑者不過二次即軟

秘傳敷毒法

獨核肥皂去核一個草麻仁二十九粒搗爛敷留
頂透氣已成自潰初起自消

鐵箍散

敷諸般腫毒

草烏

知母

天花粉

半夏

天南星

五倍子

炒

芙蓉葉

各等分

右爲末蜜醋頓熱調敷四圍中留一孔透氣

烏龍膏

敷一切腫毒

臭小粉漿炒黑研細用滴醋調敷或加生大黃天

南星更妙

楮子散

敷一切腫毒並乳癰初起

五倍子不拘多少打碎炒黑爲末醋調敷或井水調敷亦可

立消散

雄黃二錢穿山甲三錢生大黃紋錦者

芙蓉葉倍子炒各五錢

共研極細末滴醋調敷中留一孔透氣如乾又

搽不過十次自消

清涼膏

山東東昌府聊城縣南普寺僧神授方

敷癰疽發背腫毒

先用白麵調成團圈患外葱根搗泥平鋪瘡上用
豬膽汁一枚黃蜜二兩傾磁器內和勻茶匙挑服
汁於內一時卽消

敷毒

大五倍子蜜炙九次研末醋調敷

敷毒

老桑虫屎研末醋調敷留頂三四次卽消

毒瘡未出膿敷此卽有頭

牙 皂 京 墨 煨過 乾 姜 各等分

研末醋調敷

敷藥神功散

川 烏 炮 黃 栢 各等分

研細滴醋調無頭漫敷有頭敷四圍留頂

周氏曰用唾津調成膏敷如乾用米泔水潤濕

聽其流膿不可手擠

敷發背

松香半觔將水煮一炷香葱五十根連根鬚研如

泥量瘡大小紅絹攤貼

敷毒並敷痘毒

紫花地丁草搗敷神效

回生丹

敷癰疽發背諸毒一切惡瘡等證敷之消散起
死回生神方

五倍子整個大者去一角入上好銀硃不拘多少
再用銀箔糊住角口放銅勺內微火慢慢焙之烟

絕爲度研細末放地下出火氣用雄雞蛋尖頭取

蛋清調末務要多摻勻濃其藥稍乾卽以雞翎或
硬筆蘸藥敷瘡自腫處由外往裡週圍敷之留瘡
口一連三四次住疼消散如神破後敷之亦妙

敷發背如神

熟鐵銹刮爲細末雞蛋清調濃用新筆圈紅暈腫
處自外向內漸漸圈盡一日三次其瘡自然收小

代針散

凡惡毒腫痛日久不出頭用此卽穿

木鱉子

川烏

水磨以鷲翎掃刷瘡上留豆大一處出膿如藥
水乾再刷上不過一時即穿

敷一切腫毒疔瘡

猪牙皂

火煨
再炒

羌

活

大

黃

防

風

白芷

天南星

白

芫

白

蘇

連

翹各一錢

乳

香

去油
五分

沒

藥

去油
五分

貝

母

三分

右研細用蛋清全蜜調敷患處未成形者即消
已成出頭者其效亦速

敷一切大毒疔瘡

五倍子

微火焙

白

芷

各四兩

陳小粉

十年者佳慢火炒黑黃色一勛

川烏

黃

栢

草

烏

狼

毒

天南星

半

夏

粉甘草

各一兩

研細未破者用滴醋調敷四圍已潰者用蜜調

敷俱放滾水內頓勻敷

奇驗金籬散

錦囊

五倍子

白

芫

白

蘇

各四錢

生大黃

六錢

芙蓉葉

白花者良陰乾不經霜者佳二兩

研細用蛋清些少同醋調敷如乾以葱頭酒潤

之已有頭者露出頭敷四圍

消毒圍藥

白糯米炒焦色研細末醋調敷患處無膿卽消有
膿卽潰

敷癰疽發背奇方

鎮江招隱寺浣塵和尚

先用陳金墨磨濃塗四圍紅暈處再以猪膽汁生
姜自然汁各等分不得多寡和勻有頂露頂無頂
一槩用雞翎掃上乾則又掃未成卽消已成卽潰
百發百中

麥飯石膏

一名鹿角膏
醫燈續焰

白麥飯石

此石顏色黃白類麥飯團生粒點若無
此石當以舊磨麩磨子近齒處石代用
取其有麥性故也屢試得效此石鋪家
有時無處買今欲用之但於溪中等麻
石中有白石粒如豆如米大者即是也
但其石大小不同或如拳如鵝卵如盤
大畧如握聚一團麥飯焉用炭火煨紅
以好米醋淬之如此煨煉十次研令極
細二兩研得不極細塗之極痛
若細而嫩大能止痛排膿收口
研細二兩

白 欬

鹿 角

不用自脫者必取生帶腦骨者去腦骨
燒灰截二三寸長炭火煨令烟盡研細
兩四

凡用時量藥末多寡用經年好米醋入銀石器
內煎今魚眼沸却旋旋入前三味藥末在內用
竹篦子不住手攪熬一二時久令稀稠合宜取
出瓷盆內候冷以紙蓋固勿令着塵灰每用時
先以猪蹄湯洗去癰疽膿血至淨以舊帛挹乾
用鵝翎掃敷四圍凡有赤處盡塗之但留中心
一口如錢大以出膿血使熱毒之氣隨出如瘡
未潰能令內消如已潰則排膿如清水則逐日
見瘡口收斂如患瘡久肌肉腐爛筋骨出露用

舊布片塗藥以貼瘡上如內膜纔穿亦能取安
洗瘡勿以手觸動嫩肉仍不可以口氣吹着瘡
更忌有腋氣之人及行經婦女或有孕人見合
藥亦宜禁忌外取好米醋一大盃收瓷器內候
逐日用藥於瘡上久則其藥乾常用鵝翎蘸醋
掃濕其藥勿令綳也初用一日一洗一換藥十
日後兩日一換藥

水澄膏

集驗

敷熱毒腫痛紅赤神效皮膚白色者勿用

大黃 黃栢 鬱金 白芨

朴硝 天南星 黃蜀葵花 各一兩

研細末每用新汲水一盞半稱藥末二錢攪調
勻候澄底者去浮水敷於腫焮處貼之如乾燥
唾津潤之

烏龍膏 集驗

敷腫毒癰疽收赤暈

木鱉子 去殼 半 夏 各二兩 小粉漿 四兩 草 烏 五錢

共入鐵銚內慢火炒焦研細出火毒再研細用

湯藥大全 卷之...

水調敷四圍中留頂出毒氣或用醋調

宣毒散

敷初起及灸後腫消暈聚

露蜂房 炒焦 三兩

天南星

赤小豆 各一兩

小米 一合

生草烏 一錢

生白礬 五分

研細末淡醋調塗四畔乾即再上

清涼膏 敬立

敷癰腫焮痛

生大黃研末醋調敷

金蟾膏

啟玄

敷發背疔毒

活蝦蟆一個去骨搗如膏敷患上留頭如無頭都敷上大有神效一二日揭去不過換敷二個全好

火龍膏

啟玄

敷陰發背黑凹不知痛

新火薑六月六日晒乾研末磁瓶收貯每用以鮮豬膽汁調敷周圍皮紙遮蓋乾則熱水潤之知痛時黑水自出爲妙如不知痛雖出黑水難治

隔皮取膿散 寶太師

驢蹄 細末 五倍子 各一兩 白鹽 五錢

草烏 去皮四錢 蕎麥麴 炒二兩

共研水調作餅慢火炙黃去火毒研細醋調成

膏攤貼其腫漸退

鐵箍散 青囊

芙蓉葉 生大黃 牛旁子

白芨 雄黃 各等分

共研細看瘡勢大小或稱三錢或五錢以雞翎

攪入雞蛋清內調敷四圍束毒不致走散開大

神草膏

專敷發背對口一切無名腫毒立時消散

蜈蚣節草一大把入鹽少許搗爛如膏敷患上

胡公弼曰按蜈蚣節草乃柔草也其色青白節節生細葉沿漫田埂如蜈蚣形二三月採取陰乾備用恐夏時草深難采

寸金散

敷癰疽腫毒

天花粉 三兩

赤芍

白芷

薑黃

白芨

芙蓉葉

各一兩

右研細每用姜汁三分涼茶七分未破敷頭已
破敷四傍留頂經驗神效

黃蓉散

胡言爵

敷手足腫毒已成未成並效

生大黃

五錢

芙蓉葉

一兩

研細苦茶調敷

蝸牛涎

敷癰疽解毒止痛

蝸牛一百個納瓶內入新汲水一盞浸之封至次
早將蝸牛放去其水如涎入蛤粉調稀雞翎掃瘡
上日十餘次

乳香止痛散

一切癰疽焮痛搽之立止

乳

香

去油

沒

藥

去油各二錢

寒水石

煨

滑

石

各四錢

冰

片

五厘

右爲末以葱汁調搽其痛立即止矣

烏龍膏

臭小粉

五倍子 各等分

止痛麻藥
全炒黑研細醋調敷乾則以醋潤之消毒甚效

川烏尖

草烏尖

生南星

生半夏

華撥

胡椒

錢

各五錢

蟬

酥

一錢五分

右為末用魚膠烱化入藥拌勻陰乾臨用水磨塗於肉上藥力麻住則刀割不痛

赤小豆散

治一切無名大毒敷之初起則消已成立潰

赤小豆一斗畧焙磨細用黃蜜調敷或葱汁好醋

酒菊花根葉搗汁菥汁俱可調敷中留一孔透氣

敷一切無名大毒 孫直君

生豬腦攤紙上貼之一日三換

癰疽提膿 孫直君

飛麩以人乳調敷一宿膿出

發背初起 孫直君

新鹿角燒灰研細醋調敷之一日四五次以消為

度

癰疽久不收口

孫直君

老鼠皮燒灰敷口上即收

敷腫毒

劉秘

鼻涕虫全銀硃搗敷留頂立消

一切白色陰毒以及對口初起者

錢青榆

活鯽魚 一尾

生山藥

一段與魚一般長

白洋糖

二錢

全搗極爛敷上立消即去更治瘰癧如神如婦

人乳癰初起用臘糟全搗敷上立散

冬瓜癰及四肢癰毒腫滿

新石灰先以水一潤卽用醋一碗化開敷上再加醋甲敷上立消惟身上腫毒忌用

發背初起未成 醫林集效

用活蟾一隻繫放瘡上半日必昏憤 置水中救其命再易

一隻必跟蹠再易其蟾如舊則毒散矣屢試極效

又方 靈秘丹藥

凡患癰疽瘡毒者用土中大蜚蟊一個剝全身癩皮蓋貼瘡口於蟆皮上以針將皮刺數孔以出毒氣自覺安靜且能抓住瘡口不令長大又可免蜈

蜈蚣聞膿味來侵神妙

癰疽初起 申一齋

乾姜一兩 泡炒 研末醋調敷四圍留頭愈

腫毒 抄本

凡毒初起及經十日以上熱腫疼痛用鷄子一個
打開入新狗糞如蛋大攪勻微火熬令稀調得所
捻作餅子於腫頭上貼之以帛包抹時時看視覺
餅熱則易勿令轉動及歇氣經一宿自愈如日多
者一日一易至瘥乃止一切諸方皆不及此

鐵桶散 醫方解

一切初起腫毒敷之立消已成毒不走散未潰
有膿卽潰已潰膿卽追出

九月九日取芙蓉葉 陰乾 五倍子

白 芫 白 蘇 薑 黃 各五錢

大 黃 一兩 陳小粉 炒黑二兩 鱗 殼 五個

研細末醋調敷

腫毒及指上癰腫 衛生備要

獨蒜一顆白合數瓣臘糟全搗爛敷

定疼散 單方

山藥 一兩

白糖霜

大黃 各四錢

搗爛敷上卽止疼 或手搭發背破爛者只用
糖霜山藥搗爛塞入毒內不臭爛肉自去新肉
自生初時日換三次三日後一日換一次換時
以甘草煎湯或猪蹄湯洗用軟鵝毛數根紮之
洗去再敷待肉長滿方止

消毒神方 周惠南

凡初起一切腫毒用杏核半邊入乾人糞填滿合

瘡頂上裝之如毒盛其核卽炸碎另換一核填盡
合上至重不過易二三核自消

敷方

天南星

生大黃 各等分

研細燒酒調塗露頂卽消

又方

尿缸底刮下研細濃敷四圍露頂乾則再敷再潤
卽消極效

又方

芙蓉葉或根皮或花或生搗或乾研和白蜜調敷
四圍中留一孔透氣乾則頻易初起者消已成者
膿出易斂加赤小荳末其效更速

又方

連鬚葱同白蜜搗極爛敷之露頂如重換敷二三
次卽消如已有膿將破不可用此法

又方

芥菜子研末同扁栢葉搗敷卽消

一筆描

周鶴仙

治一切腫毒神效

四月間於田中收取蝌蚪數升瀝乾水裝入瓦罐內加入米片三四分緊封罐口再用泥糊勿令洩氣埋於不見天日土內六十四天取出盡成水矣凡遇無名腫毒之人以筆蘸水在於患處畫一大圈圍之逐漸收小中間留頭其毒即散神驗

敷腫毒一切惡瘡

黃洞陽

糯 米

稷 米

秈 米

各二升

五月五日午時將米入壩內用滾水沖入要瀝

過米浸至次年六月六日磨成漿再將原水和入晒乾收貯臨用時取粉一兩加明雄末二錢和勻醋調如稀糊樣週圍敷掃中留一孔透氣如乾以醋潤之每用藥不過一錢二三分為率

劉氏敷藥秘方

人中黃 煨乃多年糞坑內者是人中黃馬桶內者亦是 土子 即無名異

生大黃 白芨 五倍子 生研

榆皮麵 各四兩

右磨細用鷄蛋清或葱汁黃蜜醋調敷俱可

金箍散 丁振宇

膽礬 礬砂 水銀

明雄 黑鉛 各二錢

端午日修合敷一切大毒研為細末火酒調敷
如不粘加飛麵六錢

敷一切毒

五瓜龍藤熬稠膏敷之

又方 吳魯南

香肥皂 一元毒大 仝生山藥搗化敷上中留一孔

瘍醫大全

卷八

敷藥方

全

顧氏秘書

透氣未成卽消已成自潰

治發背癰疽不問已潰未潰並杖瘡諸蛇傷

白鳳仙花連根莖葉搗爛聽用先以陳米醋洗淨
然後敷上一日一換如冬月無鮮的秋間採取陰
乾爲末水調敷之立消止痛如神 瘡將好用桑
葉醋煮一滾卽撈起貼瘡上便能生肌收口

水雲膏 關傳

治發背

皂

角

炙去皮

五倍子

炒

川

芎

乾薑 各一兩 乳香 兒茶

沒藥 各三錢 枯礬 槐花 各一錢

右研細末 徧猪膽汁調塗神效

敷癰疽

五倍子醋炙為末 瘡在左用猪左腦瘡在右用猪

右腦全搗勻敷

芙蓉膏 張秀峯

發背癰疽痛如錐挖不可忍者立時止痛

芙蓉葉 黃荆子 各等分

研細末鷄子清調搽四圍留頂中間如烟霧起
立效用於未潰之先將潰之際並效

消腫止痛散

芙蓉葉 一兩

陳小粉 一兩五錢

五倍子

生南星

生半夏

生草烏 各三錢

共研末醋調敷

腫毒皮色不變敷上即時紅腫

陳米粉 四兩

葱白 一兩

全炒黑研末醋調敷

龍虎膏

敷一切無名癰疽大毒

陳小粉 一觔

土木鱉

連殼整炒二兩

川烏

草烏

乾薑

白芨

花椒 各五錢

共研細末凡瘡未成者漫頭敷已成者中留一孔已潰爛者敷於四圍俱以醋調燉溫敷上外用綿紙貼乾則溫醋鷄毛掃上

鐵箍丹 何龍泉

敷一切腫毒

五倍子

炒枯黑四兩

陳小粉

炒黃

紅小豆

炒各二兩

乳香

五錢

研細末醋調敷四圍

神仙驅毒一掃丹

專治大小男婦一切癰疽發背無名腫毒赤紫

丹瘤纏喉風症初起掃之即消已潰掃之即愈

雄黃

一硃

砂

各二錢

牛

黃

麝香

各二分

共研極細用猪膽汁調敷毒上其毒自散疼痛
卽止外用桐油紙撚點着近毒處照之須令冷
氣透出毒外自愈

神仙敷毒失笑餅

初起一切癰疽大毒

黃

泥

一大塊
煨熟

連鬚葱

一大把

蜂

蜜

一鍾

雄

黃

三分

共杵爛作一餅乘熱敷毒上如乾了再敷一二

次自愈

鐵箍散

癰疽發背疔毒初起

雄黃

熊膽

硃砂

各二錢

京墨

伍錢

麝香

三分

共研細醋調敷已成只用京墨磨汁調敷四圍

金箍散

吳近宸

敷一切火毒及無名腫毒癰疽初起者即消已

成者即輕

生大黃

三柰

生南星

姜黃

生半夏 各四兩

白芨

人中白

白芷

天花粉 各三兩

草河車 一兩

共為細末用黃蜜調敷如紅白色者用米醋調

敷

白敷藥

吳近宸

敷一切流痰濕痰寒痰喉痰腮癰腋癰及婦人乳癰乳疽乳吹癰癰等症如神

陳小粉

白蘇

生半夏

白芷

生南星

白芫

五倍子

三柰

人中白 各三兩

共爲細末磁瓶密貯 火痰用黃蜜調 流痰

濕痰用雞蛋清調 癩癧腮癧腋癧喉痰用米

醋調 惟乳症用活鯽魚一尾搗爛去骨和藥

末搗敷

敷發背

車前草

菴蓂草

巴山虎草

金銀花 各等分

共研細末陳小粉漿打糊調敷

鐵箍散

芙蓉葉 陰乾 薑黃 五倍子 炒去至

白 蘇 白 芫 蠟 殼 各五錢

生大黃 陳小粉 各一兩

共研細末用熱米醋調如稀糊敷圍中留一孔

透氣

麻藥

此藥敷於毒上麻木任割不痛

川烏尖

草烏尖

生半夏

生南星 各五錢

胡椒 一兩

蟾酥 四錢

研細末燒酒調敷

一方加葶藶五錢
一方加細辛一兩

瘡口冷難收口

乾姜

研末摻之患處覺熱如烘生肌最速

消腫毒

土三七根搗爛醋調敷留頂出氣敷之立消如膿

已熟敷之立潰

一筆勾

蠅蝶虫

三四十條 水片 四分

全入罐內即化為水入麻油半筋封口收藏勿
令洩氣初起用筆圈塗毒外四圍頻頻圈之即
消已成敷滿留頂透氣

敷腫毒未成即消已成即潰

黃狗下頷

一具

白蘇

蠶

荳

各一兩

研細末醋調敷留頂透氣

消對口

白牽牛莖葉 一把
生薑 三片

全搗敷留頂透氣

敷諸腫毒並癩癰瘡

川楝子

八兩炒黑色
取末四兩

川貝母

去心五錢

海粉

要綠色者四兩炒
黑色約有二兩重

生半夏

川烏

甘草煮過

生南星

草烏

各一錢

各研極細末和為一處凡用以熟蜜茶汁和勻

貼患上油紙護之 癩癰初起以熟蜜茶汁調

敷如久成硬核者單用陳米醋調敷亦消

論瘡瘍忌圍寒涼之藥

薛立齋曰內經云五臟不和九竅不通六腑不和留
結爲癰又云形傷痛氣傷腫此則臟腑不和瘡發
於外也明矣塗貼寒涼豈能調和臟腑宣通氣血
也設使腫痛熱渴脉滑數而有力屬純陽宜內用
濟陰丹外用益陽散則熱毒自解瘀滯自散若似
腫非腫似痛非痛似潰不潰似赤非赤脉洪數而
無力屬半陽半陰宜內用冲和丸外用陰陽散則
氣血自和瘀滯自消若微腫微痛或色黯不痛或

堅硬不潰脉洪大按之微細軟弱屬純陰宜內服
回陽湯外敷抑陰散則脾胃自健陽氣自回丹溪
云敷貼之劑應耐小熱症耳若不辨其陰症陽症
之所由分而妄敷寒涼之劑迷塞腠理凝滯氣血
毒反內攻而肉反死矣况運氣得寒而不健瘀血
得寒而不散瘀肉得寒而不潰新肉得寒而不生
治者審焉

李世英曰疽不熱不痛屬陰切不可用冷藥敷貼恐
逼毒氣入內

澄

日冬月不拘葱汁黃蜜酒醋敷藥必須隔湯燉熱
然後敷圍不可冷敷若冷敷俟肌肉溫煖一時何
能且有冰伏毒氣內攻之害不可草率悞事

論湯漬法

王肯堂曰腫瘍宜紫葛湯一日五七次洗之每洗後
拭乾視瘡頂上有白粒如米大者以五灰膏點破
之瘡眼敷老皮散次用水調大鉄箍散圍貼四邊
紅腫處用正鉄箍散水調貼瘡口再洗則先去舊
藥每一次洗換新藥如前潰瘍用猪蹄湯一日一
二次洗之仍用大鉄箍散如前圍貼瘡口上用追
毒拔毒等貼之敗肉去後間二三日一洗之可換
長肉膏貼之淋洗之功癰疽初發洗之則宜拔邪

氣可使消退已成洗之則踈導腠理調和血脉深引熱毒從內達外易深爲淺縮大爲小紅腫蔓延洗之則收斂紫黑點洗之紅活逐惡氣祛風邪除舊生新如瘡口冷滯不收者濃煎北艾湯洗燒松香兔毛薰之淋洗之藥可與鉄箍散並行同功

李東垣曰夫湯法者宣通行表發散邪氣使瘡內消也蓋湯水有蕩滌之功古人有論瘡腫初生一二日不退卽須用湯水淋射之其在四肢者湯漬之其在腰腹背者淋射之其在下部委曲者浴漬之

此謂踈導腠理通調血脉使無凝滯也且如藥二
兩用水二升爲則煎取一升半以淨帛或新綿蘸
藥水稍熱湯其患處漸漸喜湯淋浴之稍涼則急
令再換慎勿冷用夫血氣得寒則凝澀得熱則淖
澤日用五七次痛甚者日夜不住或十數次腫消
痛止爲驗此治瘡腫神良之法也 十書

又曰凡治瘡腫初起一二日之間宜藥煎湯洗浴薰
蒸不過取其開通腠理血脉調和使無凝滯之意
免其痛苦亦消毒耳如已潰洗之令瘡淨而無膿

隔畔疙疸作痛之意也杖瘡亦然近時楊梅瘡生於穀道各治不愈以五根煎湯入婦人淨桶內先薰後洗不數次而愈諸瘡更妙何但於梅毒乎

蔣示吉日瘡毒初生古人用藥湯淋射蓋氣血凝滯則爲癰腫得熱則腠理通經絡暢誠至理也其法以藥煎濃湯瘡在四肢者則溺漬之在腰腹者則淋射之下部者則浴漬之仍以淨布蘸水濕其患處水涼再換必數易而熱始透也

濕清門主方

木香濕腫湯

治癰疽始發腫焮憎寒熱痛

地黃汁

五合如無用以生地黃五兩代之

犀角

木香

升麻

射干

梔子仁

大黃

黃柏

黃芩

黃連

白蘇

炙甘草

朴硝

紫檀

羚羊角

各一兩

切碎和勻每用藥五兩水一斗煎七升入射香

五分淨帛蘸藥熱湯腫上日兩三度冷卽更換
升麻湯腫湯

升麻 黃芪 防風

生地黃 川芎 細辛 各等分

咬咀用藥二兩水二升煎十沸稍熱淋湯內消

如神

濕腫升麻湯 總錄

升麻 漏蘆 梔子仁

蒟蒻 芒硝 黃芩 各等分

每用二兩水三升煎十沸帛蘸藥湯漬腫處

猪蹄湯 聖惠方

升麻 甘草 芍藥

蒟藳 各等分

每用四兩水一斗猪蹄一對煮蹄軟取出次下

藥再煎十沸帛蘸淋濁之

濕腫湯

木香 犀角 升麻

大黃 黃芩 黃連

射干

黃栢

白蘇

甘草

朴硝

檀香

山梔

生地

羚羊角

各等分

每用五兩以水一斗煎七升入麝香一錢淨綿

蘸藥熱湯腫上一日兩三度冷則再換

論薰消法

澄

曰癰疽發背初起已成有用薰法可令未成卽消
已成自潰潰而易斂秘而不傳留心訪求始獲其
方用之頗驗

癰疽門薰藥主方

千金神草薰藥方 袁聖伯

發背對口已成腫痛勢甚或未潰已潰

千金草 一握按千金草六月間高二三尺葉似桃葉頂上開紫花一叢如紫瑞香花一般

搗爛入小口砂鍋內熬滾將病人仰卧於有洞

板門上毒露洞中以砂鍋對洞薰之少頃瘡口

毒水如涎流出病人快意為度即將搯數患處

縛住次日另熬又薰三次毒水流盡自愈

神驗薰藥方 吳羨相

千金神草 卷八 醫藥去 三 顏氏必書

如意草

卽犁尖草

金銀花 各五錢

桑

葉

三錢

三角峰

又名爬壁蜈蚣

係楓樹上簾其簾係三個

右入大砂鍋內入水煎滾紙封罐口以棉花將

病人好肉包蓋再取板門量毒大小上下開一

洞令病人仰卧把毒露在外將罐口紙亦開一

洞對毒薰之藥氣直透毒內自有惡水流出必

多如此三薰毒散自愈如未愈再薰一次如已

潰爛亦宜此法薰之若攻出數頭以葱頭煎洗

有腐肉或瘡口燥用猪蹄湯洗之以膏蓋之此

乃奇效之法秘之

本草綱目卷之九

十一